



Krizni plan pripravnosti i odgovora na pojavu virusa COVID 19

Septembar, 2021.godine



Broj: 01-34-II-766/21
Datum: 10.09.2021. godine

Shodno Uputstvu Ministarstva za odgoj i obrazovanje Kantona Sarajevo o organizovanju i realizaciji odgojno-obrazovnog rada u osnovnim i srednjim školama na području Kantona Sarajevo broj; 11-04-34-32471-1/21 od 27.08.2021.godine, a na osnovu Zaključka Vlade Kantona Sarajevo broj: 02-04-31997-5/21 od 26.08.2021. godine, te Metodološkom uputstvu za prevenciju i kontrolu infekcije SARSCoV2 JU Zavoda za javno zdravstvo KS, broj: 01.4-5705/21 od 06.09.2021.godine, direktor škole donosi

**KRIZNI PLAN
PRIPRAVNOSTI I ODGOVORA NA POJAVU VIRUSA COVID 19
u JU "Deseta osnovna škola" Ilidža**

Član 1.

(Tim za upravljanje kriznim situacijama)

Škola formira Tim za upravljanje kriznim situacijama, shodno Uputstvu o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2021/2022.godini.

Tim za praćenje implementacije kriznog plana u JU „Deseta osnovna škola“ Ilidža, čine:

- 1. Irma Hurić**-nastavnica razredne nastave,
- 2. Jakub Agić**-nastavnik islamske vjeronauke,
- 3. Begzadić Ekrem**- domar-ložač,
- 4. Kapidžić Mirsada**- servirka/higijeničarka, **ujedno i koordinator za poslove provođenja i nadzora nad provođenjem preporuka.**

Član 2.

(Postupak i mjere)

(1) Obavezni postupak za sve radnike, roditelje i učenike škole:

- Radnici, roditelji i učenici škole dužni su da se pridržavaju svih propisanih epidemioloških mjera, preporuka i smjernica nadležnih organa i institucija.
- *Potrebno je pridržavati se fizičkog razmaka od najmanje 1 metar u zatvorenom prostoru između zaposlenika i održavanje istog kada je to moguće između nastavnika i učenika.*
- *U zbornici bi bilo neophodno održavati razmak od 2 metra.*
- *Kada god je moguće sastanci, dogovori i edukacije zaposlenika potrebno je da se odvijaju e-komunikacijom ili telefonom, a u slučaju krajnje neophodnosti uživo, uz pridržavanje mjera distance, nošenja maski, provjetravanja prostora, te pojačane higijene ruku i okoline.*
- *Fizički razmak i ličnu higijenu poticati među učenicima i zaposlenicima.*
- *Maske za nos i usta koristiti racionalno uz poštivanje naredbi nadležnih institucija.*
- *Privremeno je dozvoljeno skidanje zaštite prilikom tjelesnog i zdravstvenog odgoja i dr. fizičkih aktivnosti, na času muzičke kulture prilikom pjevanja, ukoliko nošenje maske ugrožava zdravstveno stanje osobe koja je nosi, prilikom konzumiranja jela i pića i u drugim sličnim opravdanim slučajevima.*
- *Na dostupnim mjestima u ulazu u školu, u ulazu u učionice i dr. dostupna mjesta postaviti dozatore sa dezinficijensom za dezinfekciju ruku učenika i zaposlenika.*
- *Zaposlenici po ulasku trebaju dezinficirati mobitele.*



- *Provoditi i periodično obnavljati edukaciju učenika i zaposlenika, te ih informisati o mjerama na snazi.*
- *Neophodno je smanjiti protok/dolazak osoba koje nisu radnici škole, roditelji i učenici škole.*
- *Boravak u zbornici i ostalim prostorijama škole treba biti u manjem obimu.*
- *Odgovornost je na roditeljima da na dnevnoj bazi kontrolišu tjelesnu temperaturu učenika prije i poslije nastave.*
- *Ograničiti ulaske svima koji nisu zaposlenici škole, izuzev ustanova i organizacija koje su zadužene za provođenje i kontrolu datih mjera, DDD objekta i zdravstvenog nadzora nad hranom i vodom, te praćenje i evaluaciju zdravstvenog stanja djece i zaposlenika.*
- *Obaveza je roditelja da ne šalju učenike u školu ukoliko imaju bilo kakve simptome COVID-19 ili sezonske gripe, nego da se jave ljekaru za daljnja uputstva za liječenje.*
- *U slučaju da je porodica ili učenik imao bliski kontakt sa inficiranom osobom roditelj obavještava školu i učenik se preventivno upućuje da prati nastavu od kuće u trajanju od 15 dana.*
- *Škola zadržava pravo da u svakom momentu može mjeriti temperaturu učeniku ukoliko učenik pokazuje vanjske manifestacije bolesti ili slabosti organizma.*

Član 3.

(Preventivne procedure)

(2) Uprava škole i razrednici dužni su obavijestiti roditelje o sljedećem:

- *Roditelj/staratelj dovodi i odvodi mlađe dijete iz škole na način da je u pratnji jednog djeteta uvijek jedna odrasla osoba /roditelj/staratelj. Ta osoba je ona koja živi u zajedničkom domaćinstvu sa djetetom, a čiji tip dnevnih aktivnosti osigurava da je njena mogućnost zaraze koronavirusom najmanja, kao i da nije iz rizične skupine za obolijevanje od COVID 19, niti da je hronični bolesnik.*
- *Roditelji/staratelji ne smiju da dolaze u pratnju učenika, niti ulaziti u vanjske prostore škole ako imaju simptome respiratorne bolesti (povišenu tjelesnu temperaturu, kašalj, teškoće u disanju, ako im je izrečena mjera samoizolacije ili ako imaju saznanja da su zaraženi sa COVID-19 ili došli u kontakt sa COVID-19 pozitivnom osobom.*
- *Primopredaju mlađe djece roditelji/staratelji vrše bez ulaska u školu, osim u krajnjoj nuždi, već do ulaza uz poštivanje mjera distance od najmanje 2 metra u odnosu na druge roditelje/staratelje i djecu. Dijete učitelj preuzima ili prepušta djecu roditelju/staratelju ispred ulaza škole, te održava distancu. Ostalu djecu nadziru druge odrasle osobe koje su na radnom mjestu-te djeca ne smiju biti bez nadzora. Roditelji se ne okupljaju na ulazu.*
- *Stariji učenici samostalno ulaze, bez okupljanja na ulazu u školu.*
- *Ukoliko je moguće, održati razmak od 10 minuta između odgojnih skupina pri ulasku i izlasku, a ukoliko nije izvodivo, nastavnici provode svoj razred kroz hodnik bez zadržavanja ispred škole ili u hodniku, uz poštivanje i drugih mjera.*
- *Da ne dovode dijete u školu ako dijete ima simptome respiratorne bolesti (groznica, povišena tjelesna temperatura, kašalj, bolno grlo, curenje iz nosa, teškoće u disanju, ako ima izrečenu mjeru samoizolacije, te ako je dijete zaraženo sa COVID-19 ili došlo u kontakt sa COVID-19 pozitivnom osobom, te se telefonom javiti direktoru ili razredniku.*
- *Ukoliko učenik razvije bilo koji od simptoma COVID-19 ili sezonske gripe u školi, učenik se izoluje u posebnu prostoriju, nastavnik kontaktira drugo ovlašteno lice škole (pedagoga, sekretara, direktora škole) da pozove roditelje učenika, da odmah dođu po učenika u školu i odvedu ljekaru. Dok se kontaktira roditelj i dok roditelj ne preuzme učenika o učeniku se vodi briga u školi.*
- *Kod osobe s povišenom temperaturom izmjerenom bezkontaktnim toplomjerom 37,2 C i veća, preporučuje se mjerenje i standardnim toplomjerom.*
- *Ukoliko se potvrdi COVID-19 kod učenika ili nastavnika ostatak odjeljenja radi po ustaljenom modelu uz nastavak poštivanja svih epidemioloških mjera. S obzirom na zakonsku obavezu poštivanja svih mjera prevencije, smatra se da se nastava može nesmetano odvijati po ustaljenom modelu.*
- *U slučaju da uprava škole ima epidemiološku sumnju prilikom realizacije neposrednog odgojno- obrazovnog procesa u vezi sa infekcijom COVID-19, kontaktirat će epidemiološku službu. U slučaju infekcije obaveza je svih radnika škole, da održavaju situaciju mirnom, staloženom bez širenja panike i da postupaju po epidemiološkim*



mjerama i smjernicama i organizaciono obezbjede nastavak daljnjeg nastavnog procesa učenicima koji nisu bili izloženi.

- U pozitivnom slučaju COVID 19 u grupi ili razredu ili sumnje za isti, prati se zdravstveno stanje učenika 14 dana.
- Tim za upravljanje kriznim situacijama škole dužan je vodi evidenciju u skladu sa tabelama Kontrolna lista za upravljanje odgovorom na COVID-19 dostavljene od JU Zavod za javno zdravstvo Kantona Sarajevo., te ispunjavati Liste kontakata za svaki dan.
- Škola je dužna voditi evidenciju o broju učenika i radnika (posebno za nastavnike i posebno za ostale radnike) oboljelih od COVID-19 i na poziv Ministarstva ili Zavoda za javno zdravstvo Kantona Sarajevo, dostaviti izvještaj i informacije.
- Za sva dodatna pitanja i podršku u provođenju važećih higijensko-epidemioloških mjera i provođenje osnovnih principa prevencije širenja korona virusa škola će se obratiti JU Zavodu za javno zdravstvo Kantona Sarajevo na e-mail.
- U učionicama će biti vizuelni materijal poput postera i brošura koje ukazuju na važnost održavanja fizičke distance i potrebe održavanja lične higijene. Za svaku učionicu će na ulazu na stolici stajati dezinfekciono sredstvo za slobodnu upotrebu učenicima i nastavnicima. Učionice moraju biti uvijek prozračne.

Član 4.

(Organizacija rada, trajanje časa)

Neophodno je provjetravati učionice, te poštovati udaljenost od 1 metar između svakog učenika u svim smjerovima. Školske klupe okrenuti prema naprijed, te izbjegavati okrenutost učenika jednih prema drugima i da se obezbijedi principm „cik-cak“, radi osiguranja distance.

Čas traje 45 minuta. Ukoliko se pogorša epidemiološka situacija, može se razmotriti mogućnost da čas traje 30-35 minuta.

Prva smjena:

- za učenike od I do V razreda počinje u 8,00 sati, a završava u 13:10 sati.
- Za učenike od V do IX razreda počinje u 8,00 sati, a završava u 13:10 sati

Druga smjena:

- Za učenike od I do V razreda počinje u 13:30, a završava u 18:40 sati
- Za učenike od V do IX razreda počinje u 13:00, a završava u 18:10 sati

Nakon završetka učionice se prozračuju, čiste i dezinfikuju.

Član 5.

(Odmori i pauze)

Mali odmor traje 5 minuta, veliki odmor traje 20 minuta.

Učenici za vrijeme odmora ne bi trebalo da napuštaju učionice ili izlaze u školsko dvorište.

Izlazak učenika iz kabineta za vrijeme trajanja velikog odmora, dozvoljava se isključivo uz strogo poštivanje važećih epidemioloških mjera i preporuka.

Dežurni nastavnici i Redari u odjeljenju se uključuju u provođenje provođenja higijensko-epidemioloških mjera u učionicama za vrijeme odmora.

Dežurni nastavnici u vrijeme odmora pojačano dežuraju.

Član 6.

(Učeničke užine)

U učionici je moguće konzumiranje užina za grupu koja prati nastavu. Preporučuje se nositi obrok od kuće. Nije dozvoljeno korištenje zajedničkih prostorija škole za konzumiranje užina.

Potrebno je stalno podsjećanje na higijenu ruku i površina kao i provođenje higijensko-epidemioloških mjera.



Član 7.

(Vannastavne aktivnosti)

Vannastavne aktivnosti se mogu organizovati u online okruženju uz maksimalno korištenje video/audio poziva u aktivnoj interakciji nastavnika sa učenikom ili u školi ili van objekta škole. Odvijanje vannastavnih aktivnosti u školi ili van objekta škole, moguće je pod istim higijensko-epidemiološkim uslovima kao za redovan nastavni proces. Dodatna i dopunska nastava organizira se u školi pod istim higijensko-epidemiološkim uslovima kao za redovan nastavni proces.

Član 8.

(Tjelesni i zdravstveni odgoj)

Tjelesni i zdravstveni odgoj realizira se u fiskulturnoj sali. Kad uslovi dozvoljavaju, nastavu tjelesnog i zdravstvenog odgoja održavati na školskom igralištu. Obavezno je poštivanje higijensko-epidemioloških mjera u svlačionicama i za vrijeme izvođenja nastave tjelesnog i zdravstvenog odgoja. Sve vrijeme se mora održavati fizička distanca, a aktivnosti se organizuju tako da ne zahtijevaju djeljenje ili dodavanje rekvizita. Za vrijeme fizičkih aktivnosti učenici ne nose maske. Tokom lijepo vremena, preporučuje se nastava na otvorenom prostoru, kada god je moguće. Izbjegavati kontaktne sportove, koliko je moguće.

Član 9.

(Rad školske biblioteke)

Biblioteka škole stoji na raspolaganju svim učenicima škole uz strogo pridržavanje higijensko-epidemioloških mjera i bez zadržavanja u prostorijama škole.

Član 10.

(Učenici sa teškoćama)

Za vrijeme trajanja nastave uz nastavnika sa učenikom u učionici može biti prisutan asistent, uz obavezno poštivanje važećih epidemioloških mjera. Asistent u blizini učenika uvijek nosi zaštitnu masku. Za učenike sa teškoćama u razvoju u online okruženju mora se kontinuirano realizirati. Škola će u saradnji sa asistentima i članovima Mobilnog stručnog tima pružiti podršku nastavnima i roditeljima učenika sa teškoćama u razvoju.

Član 11.

(Nošenje maske i postupanje u slučaju horničnih oboljenja)

Obavezno je nošenje maski preko usta i nosa za zaštitu respirativnog sistema u zatvorenom prostoru sve vrijeme za sve osobe koje borave u školi. Učenici od 6 do 11 godina su izuzeti od obaveznog nošenja maski dok su u učionici, kao i djeca mlađa od 6 godina, djeca koja imaju probleme sa disanjem zbog hroničnih bolesti i djeca koja ne mogu skidati maske bez pomoći druge osobe, osobe sa oštećenjem sluha, učenici za vrijeme realizacije nastave iz predmeta Tjelesni i zdravstveni odgoj.

Učenici koji zbog oboljenja imaju povećan rizik od komplikacija izazvanih COVID-19, mogu nastavu pohađati od kuće samo na osnovu izvoda iz medicinske dokumentacije kojeg izdaje nadležni ljekar javne zdravstvene ustanove. Roditelji su dužni u razumnom roku dostaviti izvod iz medicinske dokumentacije. Škola je dužna da za sve učenike osigura model praćenja nastave.

Član 12.

(Roditeljski i informativni sastanci)

Nastavnici održavaju komunikaciju sa roditeljima na informativnim i konsultativnim online sastancima. Razrednik održava informativne sastanke najmanje jednom u dvije sedmice, na sličan način i nastavnici koji nisu razrednici. Roditelji zadržavaju pravo da dobiju dodatne termine za informacije.



Sjednice stručnih organa škole kao i sastanci Vijeća roditeljai Vijeća učenika, roditeljski i informativni sastanci održavaju se online.

Škola može navedene sastanke organizovati uživo u prostorijama škole u skladu sa preporukama i smjericama kriznih štabova u pogledu dozvoljenog broja osoba u zatvorenom prostoru.

Član 13.

(Prijem učenika prvog razreda)

Škola može organizirati prijem učenika u prvi razred u dvorištu škole, fiskulturnoj sali.

Član 14.

(Stupanje na snagu)

Krizni plan stupa na snagu danom donošenja i objavljuje se na zvaničnoj web stranici škole i njegov sadržaj će se mijenjati u zavisnosti od izmjene okolnosti i potrebe postupanja po naredbama i odlukama nadležnih organa za njihovo donošenje.

Škola će raditi po pozitivnim i važećim Uputstvima o organizaciji i realizaciji odgojno-obrazovanog rada u osnovnim i srednjim školama na području Kantona Sarajevo u školskoj 2021/2022. godini, Uputstvu Ministarstva za odgoj i obrazovanje Kantona Sarajevo o organizovanju i realizaciji odgojno-obrazovnog rada u osnovnim i srednjim školama na području Kantona Sarajevo broj; 11-04-34-32471-1/21 od 27.08.2021.godine, *Metodološkom uputstvu za prevenciju i kontrolu infekcije SARSCoV2 JU Zavoda za javno zdravstvo KS, broj: 01.4-5705/21 od 06.09.2021.godine*, te ukoliko neke situacije nisu precizirane ovim Kriznim planom, pratit će se važeće smjernice iz navedenih akata. Donesenim planom prestaje da važi ranije dati akt.

Škola će neposredno primjenjivati sve buduće mjere i postupke nadležnih organa u skladu sa datom epidemiološkom situacijom.

DOSTAVLJENO:

1. Oglasna ploča
2. Web stranica škole
3. Pedagogu škole
4. a/a

DIREKTOR ŠKOLE

Refik Dacić, prof.